

Sapigalinnut ulluinnarni nerisassat nioqqutissat nunatsinnut ajornannginnerusumik eqquossorsinnaalernissaannut Naalakkersuisut nalunaarusioqqullugit peqquneqarnissaat pillugu Inatsisartut aalajangiiffigisassaattut siunnersuut. Nunaniit allaniit nioqqutissat taakku eqquossorsinnaanissaannut inatsisitigut qanoq allannguinnissaq pisariaqarnerseq, qanorlu akimikkut Danmarkimiit nioqqutissanut unammillernerusinnaalersinnaaneri nalunaarusiamut ilanngunneqassapput. Nalunaarusiaq kingusinnerpaamik UKA2023-mi Inatsisartunut agguanneqassaaq.

Inatsisartunut ilaasortamit Aqqalu C. Jerimiassenimit, Atassut, saqqummiunneqartooq

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerseqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Mariane Paviasen, Inuit Ataqtigiit, siulittaasoq

Inatsisartunut ilaasortaq Aqqalu Jerimiassen, Atassut, siulittaasup tullia

Inatsisartunut ilaasortaq Hans Aronsen, Inuit Ataqtigiit

Inatsisartunut ilaasortaq Adam Kristensen, Inuit Ataqtigiit

Inatsisartunut ilaasortaq Lars Poulsen, Siumut

Inatsisartunut ilaasortaq Dines Mikaelson, Siumut

Inatsisartunut ilaasortaq Pele Broberg, Naleraq

UKA2022-mi 15. november 2022-mi siullermeerinninnerup kingorna siunnersuut ataatsimiititaliamit misissorneqarpoq.

Siunnersuutip imarisaa siunertaalu

Sapigalinnut nioqqutissat nunanit allaneersut akitigut Danmarkimeersunit unammillersinnaanerusut eqquossorneqarnissaannut inatsisitigut ajornakusoorutaasinnaasunik qulaajaanissamik nassuiaasiornissamillu Naalakkersuisut peqquneqarnissaat siunnersuuteqarnermigut siunnersuuteqartup kissaatigaa. Kalaallit Nunaat tamakkerlugu

atuisut nioqqutissanik sapigalinnoortunik toqqagassaqaqarnerulernissaat, nioqqutissallu taakku akikinnerulernissaat, siunnersuutikkut siunertarineqarpoq.

Siunnersuutip Inatsisartunit siullermeerneqarnera

Siunnersuutip siunertaa siullermeerinninnermi partiinit tamanit tapersorsorneqarpoq, tamatumani isumaqatigiissutigineqarluni Kalaallit Nunaanni tamarmi atuisut sapigalinnut nioqqutissanik qinigassaqaqarnerulernissaannik nukittorsaanissaq pisariaqartinneqartoq kiisalu taakku akikinnerusariaqartut. Taamaalillunilu aalajangiiffigisassatut siunnersuut itigartinneqaannarani ataatsimiititaliamut ingerlateqqinneqarluni suliarineqarnissaa taperserineqarluarpoq.

Niuernermut isumaqatigiissusiornerit nunanik allanik niueqateqarnerulersitsisinnaasut, taamatullu siunissami periarfissaqaqarnerulersitsillutillu akikinnerulersitsisussat maanna aallartinneqareermata Naalakkersuisut aalajangiiffigisassatut siunnersuutip itigartinneqarnissaa inassutigaa. Taamaalillunilu aalajangiiffigisassatut siunnersuutip siunertaa niueqateqarnissamik isumaqatigiissutit taakku aqutugalugit anguneqassaaq. Taamaattorli ataatsimiititaliap Inatsisartullu immikkoortumik suliaqaqqinnissaat qilanaaralugu, taamatullu aamma Inatsisartut aalajangiussarisinnaasaat malillugillu ataqqiumaarlugit Naalakkersuisut paasissutissiissutigaa.

Apeqqutit

Nunanut Allanut, Inuussutissarsiornermut Niuernermullu Naalakkersuisup UKA2022/97-imut akissuteqaataa ataatsimiititaliap Naalakkersuisunut arlalinnik allakkatigut apeqquteqarnissaanut tunngavissiivoq. Ataatsimiititaliap apeqqutai akissutillu tamakkiisup assilineri isumaliutissiissummut matumunnga ilanngussaq 1-itut ilanngunneqarpoq.

Siunnersuutip aningaasaqarnikkut kingunissai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassasut

Nassuiaatip kissaatigineqartup suliarineqarnerata aningaasatigut kingunerisassai AC-tut atorfeqartup ukiup affaaniit ukiumut ilivitsumut sulineranut siunnersuuteqartumit missingerneqarput (250-500.000 kr.)

Ataatsimiititaliap siunnersuummik suliarinninnera

Innuttaasut sapigalinnut nioqqutissanik amerlanerusunik akikinnerusunillu qinigassaqalernissaat qulakkeerniarlugu Naalakkersuisut qanoq suliniuteqarnissaa pillugu nassuiaateqarnissaaq ataatsimiititaliap apeqquteqarnerani qituvooq. Naalakkersuisut sinnerlugit akissutigineqarpoq Covid-19-ip kinguneranik ikiorsiissutinik atuutilersitsisoqarsimasooq Royal Arctic Linep assartuinnermut akigititaasa appartinnerisigut akit qaffannginnissaannut

atorneqartussanik. Tamatuma saniatigut nunat allat niueqatiginerat annertusarniarlugu maanna sulinertik Naalakkersuisut erseqqissaatigaat, tamannalu Naalakkersuisut isumaat malillugu nioqqutissat qinigassat unammillersinnaanerusunik akillit amerleriarnissaannut peqataaqataassaaq.

Taamatutaaq sapigalinnut nioqqutissanik eqqussuinerunissamut inatsisitigut attaveqaatitigullu suut aporfiunersut paasinarsisinneqassasoq ataatsimiititaliamit kissaatigineqarpoq. Naggasiullugu ataatsimiititaliap maluginiarpaq, tamatumani inatsisitigut aporfissaqanngitsaq Naalakkersuisut naliliisut, assartuinerмили akit qaffasinnerat sapigalinnut nioqqutissanik eqqussuinerunissamut attaveqaatitigut aporfiusoq.

Ataatsimiititaliap inassuteqaatai

Ataatsimiititaliap siunnersuuteqartup siunertaanut tapersiigaluarluni ataatsimiititaliap Naalakkersuisut akissutaat tunngavigalugu siunnersuutip itigartinneqarnissaanik inassuteqassaaq. Tamatumunngali peqatigitillugu ataatsimiititaliap Naalakkersuisut piumaffigissavai kingusinnerpaamik UKA2023-mi suliassa qarfimmil suliniutinik aallartitanik pilersaarutaasunillu ataatsimiititaliamut ilisimatitsissasut, taakkualu killiffiiniq – aammalu Naalakkersuisut niuertarfinnut pisiniarfinnik oqaloqatiginninnerit pillugit ilisimatitsissasut

Taamatut oqaaseqarluni **ataatsimiititaliap isumaqatigiittup** siunnersuutip **itigartinneqarnissaa** inassutigaa.

Ataatsimiititaliap taama oqaaseqaateqarluni isumaliutissiissummilu allassimasutut paasinnilluni siunnersuut aappassaaniigassanngortippaa.

Mariane Paviasen
Siulittaasoq

Aqqalu Jerimiassen
Siulittaasup tullia

Hans Aronsen

Adam Kristensen

Lars Poulsen

Dines Mikaelson

Pele Broberg